

Headline	Tapir akan dipinjamkan kepada China		
MediaTitle	Utusan Malaysia		
Date	24 May 2014	Color	Full Color
Section	Dlm Negeri	Circulation	178,211
Page No	8	Readership	534,633
Language	Malay	ArticleSize	361 cm ²
Journalist	RODELIO JUN JUN TAUCAN	AdValue	RM 7,135
Frequency	Daily	PR Value	RM 21,405



Sebagai langkah menghargai kehadiran pasangan panda gergasi ke Malaysia Tapir akan dipinjamkan kepada China

Oleh **RODELIO JUNJUN TAUCAN**
rodelio.taucan@utusan.com.my

KUALA LUMPUR 23 Mei - Malaysia dijangka memilih tapir atau nama saintifiknya *tapirus indicus* untuk dipinjamkan kepada China sebagai balasan dan menghargai langkah negara itu meminjamkan pasangan panda gergasi dari Chengdu, China, Fu Wa (jantan) dan Feng Yi (betina) yang tiba di sini kelmarin.

Menteri Sumber Asli dan Alam Sekitar, Datuk Seri G. Palanivel berkata, hasrat untuk meminjamkan haiwan tersebut telah disampaikan Duta Besar China ke Malaysia, Dr. Huang Huikang dalam perbincangan persahabatan antara kedua-dua pemimpin itu baru-baru ini.

Menurut beliau, beberapa haiwan lain mungkin turut dipinjamkan, namun belum ada sebarang perbincangan serius dijalankan termasuk tarikh penghantaran-

nya.
"China sudah menyatakan hasrat itu kepada saya dan mungkin dalam beberapa bulan lagi, kita akan menghantar tapir ke sana," katanya dalam sidang akhbar selepas merasmikan Pameran Herba Malaysia di Pusat Dagangan Dunia Putra (PWTC), di sini hari ini.

Yang turut hadir Ketua Pengarah Institut Penyelidikan Perhutanan Malaysia (FRIM), Datuk Dr. Abdul Latif Mohmod dan Ketua Sekretariat NKEA Kementerian Pertanian dan Industri Asas Tani, Ibrahim Salleh.

Tapir adalah antara spesies haiwan unik yang diancam kepupusan dan hanya boleh dilihat di negara-negara Asia Tenggara, Amerika Selatan dan Amerika Tengah.

Di Malaysia, selain tenek atau cipan, tapir turut digelar gajah

kerdil dalam kalangan rakyat dan populasi semulajadinya kini tertumpu di Hutan Simpan Jerangau dan Taman Negara Kuala Tahan di Pahang.

Mengenai penjagaan pasangan panda itu, Palanivel berkata, kerajaan masih berbincang dengan China melalui Pusat Konservasi Hidupan Liar (CWC) negara itu bagi menawarkan kontrak selama 10 tahun kepada seorang doktor veterineranya untuk tinggal di negara ini.

China sudah menyatakan hasrat itu kepada saya dan mungkin dalam beberapa bulan lagi, kita akan menghantar tapir ke sana

DATUK SERI G. PALANIVEL

Menteri Sumber Asli dan Alam Sekitar



G. Palanivel merasmikan Pameran Herba Malaysia sambil disaksikan Abdul Latif Mohmod (tengah) di Pusat Dagangan Dunia Putra, Kuala Lumpur, semalam. - UTUSAN/DJOHAN SHAHRIN SHAH